

十位經



百二十
卷四

47974

元祿九年丙子二月一日重脩

皇國 聖德太子 御宇

增補 轉 聖德太子 御宇

天智寺法金剛院置

藏書

十住經卷第四

姚秦三藏法師鳩摩羅什共佛陀耶舍譯

卷

十住經遠行地第七

尔時諸天眾 在於虛空中

雨香花珍寶

如雲散佛上 踊躍發妙音

咸讚言善哉

善哉金剛藏 善知第一義

無量功德聚

人中之蓮華 說此上妙行

利益諸世間

他化自在王 雨光明華香

秀秀而供養



除憂煩惱者
若聞此地義
上妙諸伎樂
佛是最寂滅
皆所共恭敬
知身同實相
演說寂滅法
能過百千土
捨相智自在
廣集大功德
三毒火然世
諸天及天女
默然而觀佛
大衆皆清淨

諸天及天王
則為得大利
諸天女喜歌
能令惡為善
雖出過世間
而示種種身
而知於語言
上妙供諸佛
雖教化衆生
不於中起著
不取一切相
歡喜設供養
尔時解脫月
願說七地相

發妙音聲言
時作百千種
承佛神力故
一切諸世間
知是世間法
雖以諸言音
無有音聲相
知身佛國土
而無彼我想
以見取相故
慈悲起精進
如是讚歎已
請金剛藏言

默然而觀佛

尔時解脫月

請金剛藏言

大衆皆清淨

願說七地相

金剛藏菩薩言諸佛子菩薩摩訶薩已具足
第六地行若欲入第七菩薩地者從方便慧
起十妙行何等爲十是菩薩善修空無相無
願而以慈悲心處在衆生隨諸佛平等法而
不捨供養諸佛常樂思惟空智門而廣修集
福德資糧遠離三界而能莊嚴三界畢竟寂
滅諸煩惱炎而能爲衆生起滅貪恚癡煩惱
炎法隨順諸法如幻如夢如影如響如化如
水中月鏡中像不二相而起分別種種煩惱
及不失業果報知一切佛國土空如虛空諸

國土皆是離相而起淨佛國土行知一切佛
法身無身而起色身三十二相八十種好以
自莊嚴知諸佛音聲不可說相信解如來音
聲本來寂滅相而隨一切衆生起種種莊嚴
音聲知諸佛於一念頃通達三世事而知種
種相種種時種種劫得阿耨多羅三藐三菩
提法隨衆生心信解故作如是說諸佛子是名十住卷四
從慧方便生十妙行菩薩摩訶薩具足六地
行已修此十妙行得入第八地諸佛子如是方便
慧現前故名爲入七地是菩薩住七地中入
無量衆生性入無量諸佛教化衆生法入無
量世間性入諸佛無量清淨國土入無量諸

佛差別法入無量諸佛智得無上道入無量諸
劫筭數入無量諸佛通達三世入無量眾生
信樂差別入無量諸佛色身別異入無量諸
佛眾生志行諸根差別入無量諸佛音聲語言
令眾生歡喜入諸佛無量眾生心心所行差
別入無量諸佛隨智慧行入示無量聲聞乘
信解入諸佛無量說道因緣令眾生信解入
無量辟支佛智慧習成入諸佛無量甚深智
慧所說入諸菩薩無量所行道入無佛無量
所說大乘集成事令眾生得入諸菩薩作是
念如是諸佛世尊有無量無邊大勢力不可
以若干百千萬億劫筭數所知如是諸佛勢

力我皆應集不以強分別此彼得成以不分
別不取相故成此菩薩如是智慧善思惟常
修習大方便慧令其安住入佛道智中以不動
法故若欲常起種種度衆生道無有障礙來
時亦起去時亦起坐卧位立皆能起道度脫
衆生離諸陰蓋住諸威儀常不離如是想念
是菩薩於念念中具足菩薩十波羅蜜及菩
薩十地何以故是菩薩摩訶薩於念念中以
大悲心爲首修習一切佛法皆迴向如來智
慧故十波羅蜜者以菩薩求佛道所修善根
與一切衆生故是檀波羅蜜能滅一切煩惱
熱是尸羅波羅蜜慈悲爲首於一切衆生中

無所傷是羸提波羅蜜求轉勝善根無猷足
是毗梨耶波羅蜜修道心不馳散常向一切
智是禪波羅蜜忍諸法先來不生門是般若
波羅蜜能起無量智門是方便波羅蜜期轉
勝智慧是願波羅蜜一切外道諸魔不能沮
壞是力波羅蜜於一切法相如實成故是智
波羅蜜如是念念中具足十波羅蜜是菩薩
具足十波羅蜜時念念中亦具足四攝法三
十七助菩提分法三解脫門舉要言之一切
助阿耨多羅三藐三菩提法於念念中皆悉
具足三 卽時解脫月菩薩問金剛藏菩薩言佛
子菩薩摩訶薩但於七地中具足助菩提法

一切諸地中亦具足金剛藏菩薩言佛子菩薩摩訶薩但於十地中悉具足助菩提法但第七地勝故得名何以故諸菩薩摩訶薩於七地中功德具足入智慧神通道故佛子菩薩於初地中發願緣一切佛法故具足助菩提法第二地中除心惡垢故具足助菩提法第三地中願轉增長得法明故具足助菩提法第四地中得入道故具足助菩提法第五地中隨順行世間法故具足助菩提法第六地中入甚深法門故具足助菩提法此第七地中起一切佛法故具足助菩提法何以故諸佛子菩薩摩訶薩於此地中得諸智慧所行道以是力故第八地

自然得成佛子譬如二三千大千世界一定
清淨一定垢穢是二中間難可得過但以大
精進力大神通力大願力故乃能過耳諸佛子諸
菩薩如是行於雜道難可得過但以大願力
大智慧力大方便力故乃可得過解脫月菩
薩言第七菩薩地為是淨行為是垢行金剛
藏菩薩言從初歡喜地來菩薩所行皆離煩
惱罪業何以故迴向阿耨多羅三藐三菩提
故隨地所行清淨不名為過佛子譬如轉輪
聖王乘大寶象遊四天下知有貧窮苦惱者
而過不在王然王未免人身若捨王身生於
梵世住梵天宮遊行大千世界示梵王威力亦

時乃至離人身諸佛子菩薩亦如是從初地
來在諸波羅蜜乘知一切衆生心所行事及
煩惱垢而不為煩惱垢之所汙以乘善道故
而不名為過若菩薩捨於一切所修功行道從
第七地入於八地介時名為乘菩薩清淨乘悉知
一切世間諸煩惱垢而不為諸煩惱所汙亦
美
十住卷四
名為過諸佛子菩薩住是七地多過貪欲等
諸煩惱衆生在此七地不名有煩惱者不名
無煩惱者何以故一切煩惱不發起故不名
有煩惱者貪求如來智慧未滿願故不名無
煩惱者菩薩住是七地成就深淨身業深淨
口業深淨意業是菩薩所有不善業道諸佛

所呵隨煩惱垢者如是諸業悉已得過所有
善業道諸佛所讚是則常行又世間經書技
藝如五地中說自然而得於三千大千世界
中最高為希有得為大師惟除如來入八地菩
薩無有衆生深心妙行能與等者是菩薩所
有禪定神通解脫三昧雖未得果報所生處
而隨意自在菩薩住是遠行地於念念中具
足修習方便慧力及一切助善提法轉勝具
足住是遠行地中能入善擇菩薩三昧善思
議三昧益意三昧分別義藏三昧如實擇法
三昧堅根安住三昧智神通門三昧法性本
三昧如來利三昧種種義藏三昧不向生死

涅槃三昧如是具足百萬菩薩三昧能淨治
此地是菩薩得是三昧智慧方便善清淨故
深得大悲力故名爲過聲聞辟支佛地趣佛
智地是菩薩住是七地無量身業無相行無量
口業無相行無量意業無相行是菩薩清淨
行故顯照無生法忍解脫月菩薩言佛子菩
薩若住初地有無量身業無量口業無量意
業已能過一切聲聞辟支佛地金剛藏菩薩
言緣大法故能過非是實行力此第七地自
實行力故一切聲聞辟支佛所不能壞佛子
譬如生在王家即勝一切群臣百官何以故
豪尊力故身旣長大智慧成立真實得勝諸

佛子菩薩摩訶薩初發心時已勝一切聲聞
辟支佛以發大願深心清淨故今住此地自
以智力故勝諸佛子菩薩住在七地得甚深
遠離無行身口意業轉求勝法而不捨離以
是轉勝心故雖行實際而不證實際解脫月
言佛子菩薩摩訶薩從何地來能入寂滅金
剛藏言菩薩摩訶薩從第六地來能入寂滅
今住此地於念念中能入寂滅而不證寂滅
是名菩薩成就不可思議身口意業行實際
而不證實際佛子譬如有人乘船入於大海
善為行法善知水相不為水患所害如是菩
薩摩訶薩住此七地乘諸波羅蜜船能行實

際而不證實際菩薩如是以大願力故得智
慧力故從禪定智慧生大方便力故雖深愛
涅槃而現身生死雖眷屬圍遶而心常遠離
以願力受生三界而不為世法所汙心常善
寂以方便力故而還熾然雖然不燒隨行佛
智轉聲聞辟支佛地得至諸佛法藏而現於
魔界雖過四魔道而現行魔行雖現諸外道
行而深心不捨佛法雖現身一切世間而心
常在出世間法所有莊嚴之事勝諸天龍夜
叉軋闍婆阿脩羅迦樓羅緊那羅摩睺羅伽
人非人等四天王釋提桓因梵天王而不捨樂
法愛法菩薩成就如是智慧住是遠行地中

值百千萬億那由他諸佛供養恭敬尊重讚
歎衣服飲食卧具醫藥供養諸佛已護持諸
佛法諸聲聞辟支佛智慧問難所不能壞是
菩薩憐愍衆生故法忍轉得清淨是菩薩無
量百千萬億那由他劫善根轉勝清淨佛子
譬如成鍊真金以諸好寶莊嚴間錯轉勝明
好餘寶不及諸佛子菩薩亦如是住菩薩遠
行地中諸善根從方便智慧生轉勝明淨無
能壞者佛子譬如日光一切星宿月光所不
能及閻浮提內所有泥水悉能乾竭菩薩亦
如是住遠行地善根轉勝一切聲聞辟支佛
所不能及又能乾竭衆生煩惱汗泥諸佛子

是名菩薩摩訶薩第七遠行地菩薩摩訶薩
住是地中多作他化自在天王諸根猛利能
發衆生悟道因緣所作善業若布施若愛語
若利益若同事皆不離念佛不離念法不離
念諸菩薩摩訶薩伴乃至不離念具足一切
種智常生是心我何時當於一切衆生中為
首為尊乃至於一切衆生中為依止者是菩薩
若欲如是勤行精進於須臾間得百千億那
由他三昧乃至能示現百千萬億那由他菩薩
眷屬若菩薩以願力自在示現過於此數百
千萬億那由他劫數不可計知爾時金剛藏菩
薩欲重明此義而說偈言

深智慧定心

具行六地已

一時生方便

智慧入七地

行空無相願

而修慈悲心

順佛平等法

而供養諸佛

雖以智觀空

而修福無厭

然後能得入

第七遠行地

雖能嚴三界

而心樂遠離

雖心常寂滅

而滅煩惱者

行空不二法

如幻如夢等

而行慈悲心

得入第七地

雖觀一切土

空若如虛空

而能善莊嚴

清淨諸佛土

雖知諸佛身

同法相無相

而種三十二

八十諸相好

雖知於諸法

不可言說相

而嚴佛音聲

令世歡喜故

雖知於諸佛

一念中成道

而示時劫處

引道諸衆生

如是知於法
即入第七地
亦知於諸佛
法性皆無量
知說三乘法
成就是衆生
於四威儀中
能具助菩提
如是諸菩薩
名檀波羅蜜
不為六塵傷
精進波羅蜜

則得法照明
住是地能觀
勢力亦無量
又知諸衆生
皆悉是無量
以如是思惟
常行如是道
所謂是十種
所修之福德
滅除心惡垢
羸提波羅蜜
於是道不動

菩薩如是者
無量衆生行
世間及劫數
所欲之所樂
我當應教化
方便慧和合
於一一念中
波羅蜜等法
皆與諸衆生
名尸波羅蜜
能起轉勝法
名禪波羅蜜

無生忍是名 般若波羅蜜 迴向佛道名

方便波羅蜜 求於轉勝法 名願波羅蜜

無有能壞者 名力波羅蜜 能解如實說

名智波羅蜜 是助菩提法 念念皆能攝

發於廣大願 緣於大事故 初地中功德

名之為具足 第二地名為 除諸心垢惡

十住卷四

十

牛志

第三願增明 第四地任道 第五隨世行

第六入深法 得無生相分 漸漸而增長

第七集一切 具菩提分法 能起諸功德

及以一切願 如是諸功德 今後八地中

一切諸所行 自然得清淨 遠行地難過

大智力所行 如二國中間 難可得過度

在於七地中
不名一切過
尔時過意界
不得名為人
菩薩住是地
不名盡煩惱
願求佛道故
經書技藝事
修習諸禪定
是事皆能起
安住第七地
大願力故勝

不汙如聖王
若到於第八
住於智業中
菩薩罪不汙
過種種煩惱
入是正道中
不名盡煩惱
文頌呪術等
及諸神通等
尔時此菩薩
菩薩諸行中
今於此地中

住於此道中
菩薩智慧地
如梵王觀世
如蓮華在水
不名有煩惱
無有諸煩惱
於諸世間中
自然能了知
無量心利世
過於二乘行
以初發心時
智慧力故勝

猶如國王子
於諸人中勝
念念入寂滅
入於大海中
菩薩行轉勝
諸世所難知
如真金雜寶
乾諸愛水潤
菩薩住是地
通達諸道果
那由他諸佛
一切世二乘

小時豪姓勝
住此得深智
而亦不取證
雖行深水難
方便智慧故
供養無量佛
間錯而莊嚴
猶如日光明
他化自在王
若欲勤精進
願力過是數
皆所共難知

後以功行成
轉發勝精進
猶如人乘船
不為水所害
功德悉備足
其心清淨故
得佛智慧光
消涸於泥潦
諸根悉猛利
見十万千億
十地智慧淨
今已略說竟

十住經不動地第八

他化自在王 諸天及菩薩

聞說此上行

心皆大歡喜 供養佛弟子

雨上妙華香

瓔珞眾幡蓋 末香諸寶衣

真妙摩尼珠

莊嚴身諸物 如雲空中下

散佛及大眾

天女於空中 作種種伎樂

供養於如來

并及諸菩薩 同以微妙音

歌頌諸功德

一切智慧者 眾生中最尊

憐愍世間故

佛現神通力 華香珍寶等

皆出如是音

所有毛塵沙 各示那由他

無量數諸佛

於中而說法 於一毛頭中

見無量佛國

須彌鐵圍海 世間不迫隘

於一毛頭中

見有三惡道

天人阿脩羅

各各受業報

見諸佛國中

一切佛妙音

轉無上法輪

隨起衆生念

諸佛世界中

衆生身種種

國有衆生身

衆生身有國

一切諸天人

皆悉雜共住

佛先觀察已

然後為說法

微塵中國土

衆生心想細

以國土鹿故

衆生心相麁

佛現如是等

種種神通力

若為衆生說

是事不可盡

如是以妙音

稱歎於世尊

心皆大歡喜

默然而觀佛

解脫月菩薩

請金剛藏言

佛子今可說

入於八地相

金剛藏菩薩言佛子諸菩薩摩訶薩已習七

地微妙行慧方便道淨善集助道法大願力
故心住不滅諸佛神力所護善根得力常念
隨順如來力無畏不共法樂心深心善淨成
就福德智力大慈悲心故不捨一切衆生修
行無量智道能入諸法本來無生無滅無相
不出不失不去不還無所有性初中後平等
不異如來無分別智一切心意識憶想分別
無所貪著入一切法如虛空性是名菩薩得
無生法忍入第八地即時得是第八不動地
名爲深行菩薩難得知無能分別離一切
相離一切想離一切貪著無量無邊不可思議
一切聲聞辟支佛所不能壞深大遠離而現

在前諸佛子譬如比丘得於神通心得自在
次第乃入滅盡定一切動心憶想分別心所
行事皆悉盡滅菩薩亦如是住是遠行地即
時一切忿務都滅得無身口意務住大遠離
諸佛子如人夢中欲渡深水是人亦時發大
精進施大方便欲渡此水未渡之間廓然便覺所
渡方便乃忘懷事即皆放捨諸佛子菩薩摩訶薩
亦如是從初已來發大精進廣修行道至不
動地一切懷事悉皆放捨不行二心諸所憶
想不復現前譬如生梵世者欲界煩惱不現
在前如是諸佛子菩薩住是不動地一切心
意識不現在前乃至佛心菩提心涅槃心尚

不現前何況當生世間心諸佛子是菩薩摩訶薩隨順是地以本願力故又諸佛為現其身住在諸地法流水中如來智慧力為作因緣諸佛皆作是言善哉善哉善男子汝得是第一忍順一切諸佛法善男子我有佛十力四無所畏十八不共法汝今未得當為得是諸功德故加勤精進亦莫捨此忍門善男子汝雖得此第一甚深寂滅解脫凡夫眾生不善非寂滅常發種種煩惱為種種覺觀所害汝當愍此眾生又善男子汝應念本所願欲大利益眾生欲得不可思議智慧門又善男子一切法性一切法相若有佛若無佛常住不異

諸如來不以得此法故說名為佛聲聞辟支
佛亦能得此寂滅無分別法善男子汝觀我
等無量清淨身相無量智慧無量清淨國土
起無量智慧無量方便無量圓光無量淨音
汝今應起如是等事又善男子汝今適得此
一法明所謂一切法寂滅無有分別無生法
明我等所得無量無邊若干億劫等數所不
能知汝為得此故應起此法又善男子汝觀十
方無量國土無量衆生無量諸法差別汝應
如實通達是事隨順如是智是菩薩諸佛與
如是等無量無邊起智慧因緣門以此無量
門故是菩薩能起無量智差別業皆悉成就

諸佛子我今爲汝說若諸佛不令此菩薩住
如是智慧門者是菩薩卽時畢竟則取涅槃
捨利益一切衆生以諸佛與此菩薩如是無
量無邊起智慧因緣故於一念中所生智慧
比從初地已來乃至竟第七地百分不及一
千萬億分百千萬億那由他乃至無量無邊
阿僧祇分不及一乃至筭數譬喻所不能及
所以者何先以一身行道修集功德今此地
中得無量身修菩薩道以無量音聲以無量
智慧無量生處無量清淨國土無量教化衆
生供養給侍無量諸佛故隨順無量佛法故
無量神通力故無量大會差別故無量身口

意業集一切菩薩所行道以不動法故佛子
譬如乘船欲入大海未得大海多用功力或
以手力若至大海不復用力但以風力而去
若本功力於大海中一日之行於百千歲不
能得及諸佛子諸菩薩摩訶薩亦如是多集
善根資糧乘大乘船到菩薩所行大智慧海
於須臾間不施功力能近一切諸佛智慧本
所施功若一劫若百千萬劫不能得及諸佛
子菩薩摩訶薩得至第八地從大方便慧生
無功用心在菩薩道思惟諸佛智慧勢力所
謂知世界生世界滅世界壞世界成知以何
業因緣滅故世界壞知以何業因緣集故世

界成是菩薩知地性小相知地性大相知地性無量相知地性差別相知水火風性小相大相無量相差別相知微塵細相知微塵差別相於一世界中所有微塵差別皆悉能知此一世界所有地若干微塵皆悉能知若干大水火風微塵皆悉能知若干寶物斤兩微

塵若干衆生身微塵世界中萬物微塵差別分別衆生麤身細身從若干微塵生地獄身從若干微塵生畜生身以若干微塵生餓鬼身以若干微塵生阿脩羅身以若干微塵生天身以若干微塵生人身皆悉了知是菩薩入如是分別微塵智中知欲界壞知欲界成

知色界壞知色界成知無色界壞知無色界
成知欲界色界無色界成壞知欲界小相知
欲界大相知欲界無量相知欲界差別相知
色界無色界小相大相無量相差別相如是
知三界是名菩薩教化衆生助智明分善知
分別衆生身善觀所應生處隨衆生生處隨
衆生身而爲受身是菩薩現身徧滿三千大
千世界隨衆生身各各差別如日於一切水
皆現其像若二三千大千世界三四五十二
十三十四十五十百三千大千世界若干若
萬若百萬若干萬若億若百千萬億那由他
世界身徧其中乃至無量無邊不可思議不

可說三千大千世界身徧滿其中隨衆生身
差別而爲受身是菩薩成就如是智慧於一
世界身不動搖乃至不可說諸佛世界隨衆
生身隨所信樂於諸佛大會而現身像若於
沙門會中示沙門形色婆羅門衆中示婆羅
門形色刹利衆中示刹利形色居士衆中示
居士形色四天王衆中帝釋衆中魔衆中梵
天衆中示梵天形色乃至阿迦貳吒天衆中
示阿迦貳吒天形色以聲聞乘度者示聲聞形
色以辟支佛乘度者示辟支佛形色以菩薩
乘度者示菩薩形色以佛身度者示佛身形
色諸佛子所有不可說諸佛國土中隨衆生身

信樂差別現為受身而實遠離身相差別常
住諸身平等是菩薩知衆生身知國土身知
業報身知聲聞身知辟支佛身知菩薩身知
如來身知智身知法身知虛空身是菩薩如
是知衆生深心所樂若於衆生身作己身若
於衆生身作國土身業報身聲聞身辟支佛

身菩薩身如來身智身法身虛空身若於國
土身作己身業報身乃至虛空身若於業報
身作己身乃至虛空身若於己身作衆生身
國土身業報身聲聞身辟支佛身菩薩身如
來身智身法身虛空身是菩薩知衆生集業
身報身煩惱身色身無色身諸佛國土小相

大相垢相淨相無量相廣相倒相平相曲相
方相差別相知業報身假名差別聲聞身
假名差別辟支佛身假名差別菩薩身假名
差別如來身差別菩提身願身化身受神力
身相好莊嚴身勢力身意生身福德身智身
法身善分別如實成諸身相知諸法身平等
不壞相知虛空身無量相周徧相無形相是
菩薩善知起如是諸身則得命自在心自在
財物自在業自在生自在願自在信解自在
如意自在智自在法自在是菩薩得是菩薩
十自在即時為不可思議智者無量智者廣
智者不可壞智者菩薩隨如是智慧畢竟常淨

起無罪身業口業意業身業隨智行口業隨
智行意業隨智行般若波羅蜜為增上大悲
為首善修方便善起諸願善為諸佛神通所
護常不捨行利益衆生智悉知無邊世界中
差別事諸佛子舉要言之菩薩住無動地身
口意業所作皆能集一切佛法是菩薩到此
地中離一切煩惱故善住淨心力中心常不
離道故善住深心力中不捨衆生故善住大
悲力中救一切世間故善住大慈力中不忘
所聞法故善住陀羅尼力中分別選擇一切
佛法故善住一切樂說力中行無邊差別世
界故善住神通力中不捨一切菩薩所行故

善住願力中修集一切佛法故安住波羅蜜
力中善起一切種智故安住如來力中是菩
薩得如是智力示一切所作無有過各諸佛
子諸菩薩摩訶薩此地不可壞故名爲不動
地智慧不轉故名爲不轉地一切世間難測
知故名威德地無家過故名王子地隨意自

在故名菩薩生地更不作故名爲成地善擇
智故名爲究竟地善發大願故名爲變化地
不壞諸法故名爲勝處地善修起先道故名
爲無功力地諸佛子諸菩薩摩訶薩得如是
智慧名爲得入佛境界名爲佛功德所照明
名爲隨佛威儀行趣向佛法常爲諸佛神力

善護常為四天王釋提桓因梵天王等所奉
迎常為密迹金剛神之所侍衛善能生諸甚
深禪定常能作無量諸身差別於諸身中皆
有勢力得大果報神通力於無邊三昧中得
自在能受無量記隨眾生成就處示成阿耨
多羅三藐三菩提是菩薩入如是大智慧善
通達諸法常放大慧光明度無障礙法性道
善知世間性道差別能示一切諸功德隨意
自在善解先際後際能入迴轉魔道智中入
如來所行境界中能於無邊世界行菩薩道
以不轉相故是故此地名為不動諸佛子諸
菩薩摩訶薩在不動地善生禪定力故常不離見

無量無邊諸佛而不捨鹿現供具供給諸佛
是菩薩於二劫中二世界中見數百千萬億
那由他無量無邊阿僧祇佛供養恭敬尊重
讚歎具一切供養事而用供養親近諸佛從
諸佛受世間別異等諸法明是人轉深入如
來法藏問世間性差別事中無能盡者乃至
百千萬億劫說不可盡又諸善根轉勝明淨
譬如成鍊真金巧匠雜寶作瓔珞已繫四天
下主頸所佩閻浮提人無能奪者諸佛子菩
薩摩訶薩亦如是住是無動地諸善根轉勝
明淨一切聲聞辟支佛乃至七地菩薩所不
能壞菩薩住是地以善分別智門故智慧光

明滅衆生惱熱佛子譬如若干世界主大梵
天王能於一時流布慈心滿千世界亦能放
光徧照其中諸佛子菩薩摩訶薩亦如是住
無動地中能放身光照十萬三千大千世界
微塵數等世界衆生次能滅諸惱熱令得清
涼諸佛子是名略說菩薩摩訶薩不動地若

廣說者無量劫數所不能盡菩薩住是地中
多作大梵天王主千世界諸根猛利與諸衆
生聲聞辟支佛菩薩波羅蜜道因緣無有窮
盡說世間性差別中無能壞者所作善業若
布施若愛語若利益若同事皆不離念佛念
法念諸菩薩伴乃至不離念一切種智常生

是心我當何時於衆生中爲首爲尊乃至於一切衆生中爲依止者是菩薩若欲勤行精進於須臾間得百萬三千大千世界微塵數諸三昧乃至能示百萬三千大千世界微塵數菩薩眷屬若以願力神通自在能過是數若干百千萬億劫不可稱計亦時金剛藏菩薩欲重明此義而說偈言

菩薩住七地

慧方便已淨

善集助道法

大願之所繫

諸佛神力護

善根悉成就

求於勝智故

能入第八地

善集於福慧

而有深慈悲

離諸有量心

心同如虛空

如所說法中

心得決定力

如是得寂滅

微妙無生忍 諸法從本來 無生亦無滅
無相亦無出 不失亦不行 諸法初中後
與如無分別 無有心意行 同若如虛空
成就如是忍 無有諸戲論 得是不動地
甚深寂滅行 一切諸世間 不能得測量
一切諸心相 皆悉已壞盡 菩薩住是地
心識無分別 如入滅盡定 無念想分別
猶如人夢中 懷欲行渡水 覺則意廓然
自知無所作 得是深忍已 一切想念滅
亦如諸梵天 無欲界煩惱 先以願力護
諸佛念勸言 如是第一忍 是諸佛職位
我等深智力 無畏不共法 汝既無有此

當加勤精進

汝今雖得滅

一切煩惱火

當觀諸世間

煩惱常熾然

當念本所願

欲利諸衆生

悉徧知諸法

廣度於一切

諸法實性相

常住無變異

二乘亦得此

不以得名佛

但以得無礙

甚深微妙智

通達三世故

乃得名為佛

是諸無等等

天人所恭敬

開是衆智門

今入諸佛法

成就無邊底

無量妙智慧

先所行諸法

不及今一念

如是諸菩薩

得妙智慧地

能在一念中

身徧於十方

入是智慧門

行道疾無障

如行於大海

風力令去疾

離諸功用心

但在於智業

觀十方世界

成壞及與住

能知四大一

亦知種種異

小大無量相

種種諸差別

能數知三千

大千界微塵

亦知衆生身

四大微塵數

諸天身衆寶

微塵數差別

皆悉徧照了

餘亦如是知

智慧因緣故

心轉得調柔

為利諸衆生

徧諸世界身

能於衆生身

而自作己身

及諸佛世界

諸餘種種身

如日月隨風

影現一切水

菩薩亦如是

隨順智慧風

常住於法性

湛然不移動

於淨心衆生

各現其身像

隨諸心所樂

而現為受生

於諸人天會

悉皆示其身

菩薩於因緣

和合中自在

乃至能隨意

而為現佛身
智身與法身
得如意神通
能得於十種
順於慈悲心
住三淨業中
所有十種力
常為諸佛護
常隨而侍衛
百千萬億劫
增益諸善根
菩薩在是地

衆生國土身
智皆同平等
為令出世歡喜
妙大自在智
諸佛所有法
不動如須弥
一切諸魔衆
釋梵所敬禮
菩薩得是地
說之不可盡
如真金雜寶
多作大梵王

業報賢聖身
以是因緣故
而現種種身
所作隨智行
皆能善修習
能得大菩薩
皆所不能轉
密迹金剛神
功德無有量
得近無數佛
莊嚴在王頸
典領千國土

功德富無量
能以三乘教
而無有窮盡
慈心光普照
破諸煩惱熱
若欲於須臾
能得百三千
大千世界數
微塵諸三昧
能見十方佛
其數亦如是
若以其願力
過是無有量
今已略解說
第八地妙相
若畜畜演說者
千億劫不盡

十六

十住經卷第四

卷

